

## საქართველოს სატყეო მეურნეობის სახელმწიფო დეპარტამენტის თავმჯდომარის

ბრძანება №10/53

2000 წლის 23 აგვისტო

ქ. თბილისი

### „ტყით სარგებლობის ლიცენზიის ფორმის, გაცემისა და აღრიცხვის წესის“ დამტკიცების შესახებ

საქართველოს პრეზიდენტის 2000 წლის 30 ივნისის №282 ბრძანებულებით დამტკიცებული „ტყით სარგებლობის ლიცენზიის გაცემისა და ხელშეკრულების დადების მიზნით ტენდერისა და აუქციონის მოწყობის წესის შესახებ“ მე-2 თავის მე-6 პუნქტის მოთხოვნათა შესრულების მიზნით ვბრძანებ:

1. დამტკიცდეს თანდართული „ტყით სარგებლობის ლიცენზიის ფორმის, გაცემისა და აღრიცხვის წესი“.
2. დაევალოს ტყეთმომწყობისა და ტყით სარგებლობის სამმართველოს (ი. ბაბუხაძია) მკაცრად იხელმძღვანელოს აღნიშნული წესით.

#### გ. ჯაფარიძე

### ტყით სარგებლობის ლიცენზიის ფორმის, გაცემისა და აღრიცხვის წესი

#### I. ზოგადი დებულებები

1. აღნიშნული წესი განსაზღვრავს სახელმწიფო ტყის ფონდის ტერიტორიაზე ტყით სარგებლობის ლიცენზიის ფორმას, მისი გაცემისა და აღრიცხვის წესს.
2. ტყით სარგებლობის ლიცენზია არის სახელმწიფო ტყის ფონდის ტერიტორიაზე ტყით სარგებლობის სანებართვო დოკუმენტი.
3. ტყით სარგებლობის ლიცენზიით განისაზღვრება:
  - ა) ტყით სარგებლობის ადგილი;
  - ბ) ტყით სარგებლობის სახე;
  - გ) ტყით სარგებლობის ვადები;
  - დ) ასათვისებელი რესურსის სახე და ოდენობა
  - ე) რესურსის მოპოვების დასაშვები ფორმები და მეთოდები;
  - ვ) რესურსის ღირებულება, სხვა გადასახადები და მოსაკრებლები;
  - ზ) ტყით სარგებლობის სხვა უფლებები და პასუხისმგებლობა;
  - თ) სხვა პირობები.

#### II. ლიცენზიის ფორმა

1. ტყით სარგებლობის ლიცენზია შემდეგი ფორმისაა:

ლიცენზია №000

**ტყის რესურსებით (მათ შორის ხეტყით) სარგებლობისათვის**

|   |   |  |
|---|---|--|
| 1 | ლიცენზიის მიმღები<br>იურიდიული პირი<br>(დასახელება, რეკვიზიტები)                      |  |
| 2 | ლიცენზიის გაცემის საფუძვლები  |  |
| 3 | სალიცენზიო ობიექტის მდებარეობა და<br>ფართობი (მეურნეობა, სატყეო, კვარტალი,<br>ლიტერი) |  |

|   |                            |                              |
|---|----------------------------|------------------------------|
| 4 | ამოსაღები რესურსის სახეობა | ამოსაღები რესურსის რაოდენობა |
|   | 4.1                        | 4.1                          |
|   | 4.2                        | 4.2                          |
|   | 4.3                        | 4.3                          |
|   | 4.4                        | 4.4                          |
|   | 4.5                        | 4.5                          |
|   | 4.6                        | 4.6                          |
|   | 4.7                        | 4.7                          |

|   |                                     |                              |                              |
|---|-------------------------------------|------------------------------|------------------------------|
| 5 | რესურსის გამოყენების<br>მიმართულება |                              |                              |
| 6 | ლიცენზიის მოქმედების ვადა           | ----- დან<br>რიცხვი თვე წელი | ----- მდე<br>რიცხვი თვე წელი |

|   |                    |  |
|---|--------------------|--|
| 7 | ლიცენზიის პირობები |  |
|---|--------------------|--|

|  |                              |                        |   |
|--|------------------------------|------------------------|---|
| <b>ლიცენზია გაცემულია</b>  |                              |                        |   |
| <b>საქართველოს სატყეო მეურნეობის სახელმწიფო დეპარტამენტის მიერ</b> |                              |                        |   |
| პასუხისმგებელი პირი<br>(გვარი,სახელი,თანამდებობა)                  |                              |                        |   |
| პასუხისმგებელი პირის<br>ხელმოწერა                                  | ბ.ა<br>(ხელმოწერის ადგილი)   |                        |   |
| ლიცენზიის გაცემის<br>თარიღი  | ----- დან<br>რიცხვი თვე წელი | რეგისტრაციის<br>ნომერი | N |

ტყით სარგებლობის („ხეტყის ზეზეურად გაცემის“, „მოვლითი ჭრის“ „მთავარი სარგებლობის ჭრის“, უკანონო ტყით სარგებლობის შედეგად ტყეზე მიყენებული ზიანის გაანგარიშებისა და ანაზღაურების) წესებს გავაცანი

ტყით მოსარგებლე \_\_\_\_\_

ბ.ა.

**III. ლიცენზიის გაცემა**

1. ტყით სარგებლობის ლიცენზიის გაიცემა:

ა) ხეტყის დამზადების მიზნით მოკლევადიანი და გრძელვადიანი ტყით სარგებლობისათვის;

ბ) ტყის მერქნიანი მცენარეების პროდუქტებისა და ხის მეორეხარისხოვანი მასალების დამზადების მიზნით გრძელვადიანი ტყით სარგებლობისათვის.

2. ხეტყის დამზადების მიზნით ხუთ წელზე მეტი ვადით ლიცენზია გაიცემა იმ იურიდიულ პირზე, რომელიც რესურსების მოპოვების პარალელურად, თავის სამოქმედო ტერიტორიაზე უზრუნველყოფს ტყის მოვლის, დაცვისა და აღდგენის ტყეთმომწეობის პროექტით გათვალისწინებული სამუშაოების განხორციელებას.

3. სახელმწიფო ტყის ფონდის ტერიტორიაზე ტყით სარგებლობის ლიცენზიას გაცემს სატყეო მეურნეობის სახელმწიფო დეპარტამენტი, ხოლო ავტონომიური რესპუბლიკის ტერიტორიაზე აღნიშნული წესის მოთხოვნათა დაცვით – ავტონომიური რესპუბლიკის სატყეო მეურნეობის დეპარტამენტი.

4. ტყით სარგებლობის ლიცენზია გამოიწერება ორ ცალად, რომლის პირველი პირი ტენდერში ან აუქციონში გამარჯვებულ თითოეულ ტყით მოსარგებლეზე, ტყით სარგებლობის სტენდერო კომისიის გადაწყვეტილების საფუძველზე, გაიცემა საქართველოს სატყეო მეურნეობის სახელმწიფო დეპარტამენტის თავმჯდომარის ან მის მიერ უფლებამოსილი პირის მიერ

5. ლიცენზია ტარდება სახელმწიფო რეგისტრაციაში და ტენდერში ან აუქციონში გამარჯვებულს გადაეცემა ტენდერის ან აუქციონის მოწყობიდან ორი კვირის ვადაში.

6. დაუშვებელია სახელმწიფო ტყის ფონდის ერთსა და იმავე ადგილას ერთი და იმავე სახის იყით სარგებლობისათვის ერთზე მეტი ლიცენზიის გაცემა.

7. ტყითმოსარგების მიერ ლიცენზიის დაკავრგვის შემთხვევაში, ის წერილობით მიმართავს სატყეო მეურნეობის სახელმწიფო დეპარტამენტს, რის შემდეგ მასზე გაიცემა ახალი ლიცენზია წარწერით „დაკარგულის სანაცვლოდ“.

#### **IV. ლიცენზიის აღრიცხვა**

1. ტყით სარგებლობის ლიცენზია არის მკაცრი აღრიცხვის დოკუმენტი. მისი მიღება და გაცემა აღრიცხება დანომრილ და ზონარგაყრილ ჟურნალში.

2. ლიცენზიის ბლანკები ინახება საქართველოს სატყეო მეურნეობის სახელმწიფო დეპარტამენტის ტყეთმოწყობის და ტყით სარგებლობის სამმართველოში.

3. გაცემული ლიცენზიის მეორე პირი (ასლები) რეგისტრაციაში გატარებისა და ტყით მოსარგებლეზე გაცემის (რეგისტრაციის ჟურნალში ხელმოწერით) შემდეგ ინახება სატყეო მეურნეობის სახელმწიფო დეპარტამენტის ტყეთმოწყობისა და ტყით სარგებლობის სამმართველოში ლიცენზიის მოქმედების ვადის დამთავრებიდან 3 წლის განმავლობაში.